

光道

思南府續志

清·夏修恕 周作楫 修 蕭瑄 何廷熙 纂
道光二十一年刻本 十二卷

一九六六年貴州省圖書館據四川省

圖書館藏刻本複製油印本 附校勘記

思南府續志

貴州省圖書館影印

思南府續志複製說明

思南府續志，十二卷，清道光二十年思南知府夏修恕等主修，次年由繼任知府周作楫、文秀等鑒定鐫版，蕭瑄、何廷熙纂。原書版框高五、八市寸，寬四市寸。現據四川省圖書館藏刻本複製。

複製時，對原書部分錯別漏字，作了校正增補，凡經校改之處，均與原文對照，列校勘記於書末，以資參攷。如有不妥之處，請讀者批評指正。

承四川省圖書館借給藏本，謹此致謝。

貴州省圖書館 一九六六年元月

序

道光庚子夏森園前輩倡修思南郡志惜未歲其事周小湖侍御權守是邦踵而成之以書問序於余余閱其書凡星野疆域廟壇學校武備鄉賢列女之實歷歷如在目前噫此書廢將百六十年得賢太守相繼而表章之厥功偉矣夫正俗調風徵文訪獻使人有所觀感而相化於善類非俗吏之所能為也熙熙然飲德江之水力聖嶺之耕服習乎為仁之堂游息乎中和之

思南府續志

序

亭相與續前修而振後起又都人士之所宜自愛而未可量焉者也余聞是邦多君子有若李同野則以正學倡西南矣有若申天錫則以忠孝稱完人矣有若田西麓蕭劍斗則以經濟奏議克自樹立矣有若田子禮李留坡則以宣慰義憤不負所司矣其他秉禮而慕義守貞而抱信佩恥而砥廉其事皆自為之事而百世下流連慨慕咨嗟敬畏不惟賢士大夫如出一轍下逮愚婦悍卒僕隸乞人聆其流風遺韻亦莫不

肅然惻然於乍聞之際者何哉民瘼如昨而是
非之公不容混淆也若夫襟帶川蜀控扼黔楚
思南雖山國實黔東北保障為民牧者尤當仰
體

聖天子誠和休養之至意俾無輕去其鄉無重
視其利無逞小忿而構獄訟無觀大有而忘蓋
藏其有知道德之遺勤求乎詩書孝慈于其家
者復隨在而有以扶持而獎勵之庶幾其俗一而
不雜人慎刑而易治士亦多美茂易成之材也

思南府續志

序

一

教化之行風俗之厚吾於是書之成卜之矣

兵部侍郎兼都察院右副都御史巡撫貴州
等處地方提督軍務兼理糧餉加三級善
化賀長齡撰

道光二十一年辛丑孟冬月吉旦

思南府續志序

郡志修於
仁皇帝之三十載前太守淮陰劉訥菴集眾藁
墟冶而成越三十六年吾鄉珊城馮夔颺先生
續之又百一十三年吾鄉升平夏森園前輩允
郡孝廉何敬堂之請始起而重修焉事未蒞適
余奉檄黔州乃與郡人士商榷事例秉筆者孝
廉蕭玉初先生前令吾鄉退歸梓里通才博學
考據精詳因得剋期以觀厥成夫志即史也事

思南府續志

序

三

與史異例與史同周禮土訓掌道地圖地隱以
治地事辨地物詔地求邦國志實權輿於此志
綦重矣黔州之志修之尤宜急蓋黔州漢隸武
陵三國時設黔安郡唐設務州其後田宣慰之
祖克昌世有其地與蜀華離隆隆然為黔東北
一保障明初改宣慰設府繼我

聖朝二百年來深仁厚澤民風士習朴茂淳龐
稱為易治而前志距今百有餘歲郡境廣袤幾
五百里時地迥殊見聞日積不有續纂其何以

紹前徽昭來許顧志有其綱天文別星野也地理正疆域也營建徵沿革也食貨課賦入也學校育菁莪也武備嚴捍衛也人物耀古而振今也藝文闡幽而鳴盛也觀百餘年之事實而附以新聞緣是數者綱舉而目張之守土者得所據依由是準天時察地利作士氣變民風因地以制宜隨俗以敷化政教之行於是乎在志誠重哉余履任未久訪知城東北舊有鄉先生李同野為仁堂頽廢已久急出俸重新堂構為諸

思南府續志

序

曰

生肄業所自維受事日淺方與今太守秋曹蓮溪先生籌備經費俾郡人士得雅意觀摩以副聖天子敷文雅化又喜郡志告成足為治譜一助而樂弁其端也前乎訥菴者有明郡人西麓給諫田志劍斗侍御蕭志後乎訥菴者有夔廳馮志略書缺有間及是蓋踵而五云時

道光二十一年歲次辛丑孟夏月望日

賜進士出身翰林院編修廣西正考官提督學

政河南提督學政署思南府知府泰和周作

楫撰并書

思南府續志

序

五

思南府續志

凡例

一思南府舊志初輯於明嘉靖十五年西麓田公秋手知府洪月峯公介主之再輯於萬曆二十三年劍斗蕭公重望手知府趙中菴公恒主之三輯於

國朝康熙三十年知府劄菴劉公謙吉手其時思南安化屬草於鄭明經伯謨蕭孝廉嗣昌沈君肇約王君章印江屬草於任明經論道嬰川屬草於童君世俊其助劄菴太守纂訂者為徐君昌支童君施州衛人徐君武陵人餘皆郡邑人四續於雍正六年知府夔廳馮公詠手據劄菴太守三

思南府續志

凡例

六

輯時已云田蕭兩志舊板飄散今更隻字無存惟田蕭二序尚載藝文籍窺大旨夔廳太守續修之本迄今亦無完帙惟劉志尚屬全書今惟據劉志為祖本附以百五十年事實又準乾隆六年制撫張公廣泗省志事例與劉志稍為變通為綱九曰天文曰地理曰營建曰食貨曰職官曰學校曰武備曰人物曰藝文為目五十三各以其類相附一天文一門地有分野天有分星思南一隅耳通志斷為異軫與劉志參并分野迥異備錄其說以資折衷至寒來暑往雨潤日暄守土者於此課民事焉不可畧也若夫景星慶雲呈祥

聖世休徵應召大有頻書例得志焉為目三曰星野曰氣候曰

祥異

一地理一門次於天文首輿圖以辨廣袤次建置以稽沿革次疆域以明界至次形勝以填周防其次山川之流峙風俗之轉移有土有人是在為上者幹年而振飭之也至於古蹟邱墓或資考證或志景行例得志焉為目八曰輿圖曰建置曰疆域曰形勝曰山川曰風俗曰古蹟曰邱墓一營建一門次於地理城池以保障公署以出治治民以後繼以事神則壇廟其重也其次設關梁以便行人置郵遞以申文報資營建以協事宜惟緇黃所托聽自為之耳為

思南府續志

凡例

七

目六曰城池曰公署曰壇廟曰關梁曰郵遞曰寺觀一食貨一門次於營建食貨地之所出民之所資也圖甲以定地戶口以清民人丁以徵庸田賦以任貢稅課以稽商經費以均用積貯則又上下交資而不可缺者終之物產而民事以備地利以詳為目八曰圖甲曰戶口曰人丁曰田賦曰稅課曰經費曰積貯曰物產一職官一門次於食貨民受治於官官有制當其職稱名官焉土職其來已久章服之榮沐聖朝浩蕩之恩不可畧也為目四曰官制曰職官曰名官曰土司

一學校一門次於職官博士隸職官學官隸營建矣然學校本其專司士之衿青者博士實師之則試院可附也士之進取者博士實董之則書院社學可附也為目四曰學校曰試院曰書院曰社學

一武備一門次於學校

國家文武並重官有定制兵有定額平日操防練習優以糧餉為衛民計非另列無以示專為目二曰兵制曰操防

一人物一門次於武備由上及下下之事統於一門故為目較多選舉薦辟武弁馳蔭皆

國典也前之人致身仕路有所表見列入鄉賢志景仰焉若夫

思南府續志

凡例

八

忠烈孝義克自敦勉斯為不愧完人全志之修此為大矣次之官績採為莛仕者勸至列女中貞孝節烈為坤維正氣所鍾與忠烈孝義相焜耀焉若者壽為五福之首不妨增入至泉石者流間多高尚流寓之士亦有名流降而一技之微均得志焉為目十有三曰選舉曰薦辟曰武弁曰馳蔭曰鄉賢曰忠烈曰孝義曰官蹟曰列女曰耆壽曰隱逸曰流寓曰方技

一藝文一門府縣

上諭恭錄全志之首以昭敬謹其前賢奏疏有俾地方者取冠藝文次之傳誌以彰人物次之記序以表事實次之詩賦

以詠昇平其有事堪備核無專門可附者終之撫遺以彌其缺為目五曰奏疏曰傳誌曰記序曰詩賦曰撫遺

致涉無稽

一纂輯事例往見各家續修多有另出新裁將舊本全行更定以新一時耳目逞其私智角勝前賢最為惡習夫郡邑志乘比事屬辭述而不作前賢纂輯煞費苦心即如思南前明田蕭二志板經散軼劉志僅存舊編一條今猶可藉一斑以彷彿全豹若並此不存代遠年湮何從稽考馮志

思南府續志

凡例

九

雖續於雍正時已無完帙今幸劉志尚屬全書各條均有依據以故每門必備詳劉志於前然後附以後此事實第劉志簡古繼纂者續增數條以備考核然不敢旁撫濫及總期協宜亦非有私見存也惟一郡之大見聞不及採輯多遺記其大畧以俟後之君子

今志由郡考廉何廷熙建議於己亥冬末時署安化瀘川楊邑侯森園夏郡伯出示採訪勸捐遴今護理鹽務司安統緒例貢生劉瑾劉鳳翔監局庚子歲二月楊邑侯調貴筑繼之者訥齋陳邑侯請之森園郡伯於三月十六日開局暨九月末屬草粗成呈府縣閱定事未幾森園郡伯遽

歸道山訥齋邑侯亦調貴筑辛丑歲首重加校正體裁事
例悉秉承於 治亭鄭邑侯

小湖周郡伯粗成今本惟削工迫於竣事掛漏良多後有
續增現擬儲板補入

思南府續志

凡例

+

思南府續志目錄

第一卷

天文門

星野

氣候

祥異

地理門

輿圖

建置

疆域

思南府續志

目錄

+

形勝

第二卷

地理門

山川

風俗

古蹟

邱墓附

營建門

城池

公署

壇廟

關梁

郵遞

第三卷

營建門

寺觀

食貨門

園甲

戶口

人丁

田賦

思南府續志

目錄

三

課程稅課附

經費

積貯

物產

第四卷

秩官門

官制

職官

第五卷

秩官門

名官

土司

學校

試院

書院義學附

武備門

兵制

操防

第六卷

人物門

思南府續志

目錄

三

選舉

第七卷

人物門

薦辟

武弁

馳蔭

鄉賢

忠烈

孝義

官蹟

列女上

第八卷

人物門

列女下

隱逸

耆壽

流寓

方技

第九卷

藝文門

思南府續志

聖謨

原志藝文

第十卷

藝文門

補遺

續增藝文

傳

誌

序

記

目錄

五

第十一卷

藝文門

記

雜體

第十二卷

藝文門

詩賦

續增詩賦

振遺

思南府續志

目錄

十五

思南府續志

主修

授 思南府知府 夏修恕江西新建縣人進士

署安化縣知縣現任古州同知楊鉅源江西清江縣人舉人

署安化縣知縣現資筑縣知縣陳文衡福建龍巖州人進士

鑒訂

署 思南府知府 周作楫江西泰和縣人進士

授 思南府知府 文秀滿州正白旗人監生

署 安化縣知縣 鄭士範陝西鳳翔縣人舉人

纂修

思南府續志

銜名

夫

辛酉科舉人原任江西新城縣知縣蕭瑄郡人

乙未 恩科 舉人何廷熙郡人

分校

冉中濼康生 王嘉言康生 劉懷成康生 全康生

冉梧岡生員

江印 教述 謙貢生

嶮申 景雲 舉人

採訪

張慶理 增生 陳春華 生員 游文科 生員 楊恩榮 生員

羅明敏 貢生 楊先春 貢生 安于劓 生員 安青蓮 生員

黎宏楨 生員 吳民安 貢生 沈金瑞 生員 王德遠 生員

沈桂枝 生員 安炳陽 康生 周佩蓮 生員 鄒鑑光 生員

羅文藻 康生 吳積玉 康生 陸輝玉 生員 黎光前 康生

蕭光曙 康生 周煜 監生 魏承紳 生員 王肇先 康生

嚴正紀 康生 周信斯 康生 魏廷獻 康生 安岫 監生

安端 貢生 吳恒耀 生員 張修德 康生 張錫玉 生員

陳琮 貢生 安裕泰 康生 安交泰 生員 蕭九如 康生

冉成林 生員 邵濂清 生員 饒大儒 生員 饒大士 生員

杜嘉會 康生 宋廷勳 生員 覃魁 康生 金世瑞 康生

繕寫

思南府續志

銜名

志

甘咏組 張錫綺 盛廷揚 劉大鏞

余鳴珂 生員 冉吉林

監修

護理鑾輿司長官安統緒

貢生劉瑾

貢生劉鳳翔

思南府續志卷之一

天文門

星野

周禮保章氏掌天星以星土辨九州之地所封之域皆有分
 星以觀妖祥思南在春秋戰國時為巫黔中地屬楚表分星
 則翼軫之餘漢置牂牁郡屬益州表分星則參井之餘逮隋
 初置牂牁縣兼置牂州大業初改州為牂牁郡方輿紀要定
 為在思南府西境唐招慰使冉安昌以婺州當牂牁要路請
 置婺州地本毘連廣輿記本史記及漢書定貴州為參井分
 野劉志祖之省志以思南在漢本武陵郡地應隸荊州則劃
 思南府續志


卷之一 星野

為翼軫之餘夫星一度二千九百餘里詎有截然界至可劃

哉甘石家言歧其說徒滋聚訟亦觀其通焉可矣志星野

翼軫分野圖

翼二十二星十九度四十一分位
 次已近太微垣翼明禮樂與四
 夷賓服




星經曰二十二翼如飛勢上五下
 五中元氣天子樂府主聲名東
 甌五黑翼下是

思南府續志

卷之一 星野

軫四星十八度位同翼明則天下
 昌四海昇平



星經曰軫宿四星中長沙左轄右
 轄分上下軍旁三十二器府土
 司空對青邱界

步天歌

上五下五橫着行

中心六箇恰似張

更有六星在何處

三三相連張畔附

五箇黑星翼下頭

欲知名字是東甌

二

步天歌

四星似張翼相近

中央一箇長沙子

左轄右轄附兩星

軍門兩黃近翼是

門西四箇土司空

門東七箇青邱子

青邱之下名器府

器府之星三十二

史記蜀繭參益州東井與鬼雍州翼軫荆州
漢書秦地東井與鬼分野楚地翼軫分野

晉志祥柯入參五度武陵入軫五度

唐書地理志岳鄂潭衡水道柳邵辰錦敘獎夷播思費南
漢濠為鶉尾分

春秋元命苞軫星散為荆州分思南禹貢荆州之屬

舊志思南星分翼軫之餘

十二次屬巳位

北斗屬衡北斗七星一樞二璇三機四權五衡六開陽七搖

光廣雅云雍屬璇冀屬樞充青俱屬機徐揚俱屬權荆屬衡

思南府續志

卷之一

星野

五

梁屬開陽豫屬搖光

三台應屬司命宋志三台六星為天階泰乙躡以上下上台

為司命主壽中台為司中主宗室下台為司祿主兵上台上

星主充豫下星主荆揚中台上星主梁雍下星主冀下台上

星主青下星主徐

天市垣屬西垣三星宋志天市各列十一星東垣曰宋南海

燕東海徐吳越齊中山九河趙魏西垣曰韓楚梁巴蜀秦周

鄭晉河間河中

星經玉衡第二星主益州常以五亥日候之己亥漢中丁亥

永昌己亥巴郡蜀郡祥柯辛亥廣漢癸亥犍為第四星主荆

州以五卯日候之乙卯南陽己卯零陵辛卯桂陽癸卯長沙
丁卯武陵

皇甫謐帝王世紀畢十二度至東井十五度曰實沈之次於
辰在申趙分野井十六度至柳八度曰鶉首之次於辰在未

秦分野張十八度至軫十一度曰鶉尾之次於辰在巳楚分
野每度二千九百三十二里

按黃鼎著管窺輯要分野云皆參今山西太原平陽遼州沁

洛澤貴州宣慰程番等地并鬼今陝西四川貴州等地翼軫

今湖廣廣東廉州川之夔州貴之銅仁黎平等地明史葉天

文分野載平越軍民指揮司為并鬼分鎮遠州為翼軫分乾

思南府續志

卷之一

星野

四

隆六年續修貴州通志成定以鎮遠思州石阡思南銅仁黎

平為翼軫分野引唐志翼軫楚分自沅湘上流西達黔安之

左為證指黔安為今之思南劉劭菴太守既以思南屬參井

而後引春秋元命苞暨舊志星分翼軫之餘二條冠首意存

參訂且如天官家分野之說陳卓核矣李淳風詳矣後人猶

譏其謬至於度數次舍皇甫謐劉向蔡邕費直言人人殊又

不足辨矣今之蒼眾說以觀其通也猶劭菴先生之意也

思南府續志卷之一

天文門

氣候

國家聖聖相承七政齊八風平二氣變和雨暘時若思南雖邊壤屢豐告慶大有頻書此誠大化所潛孚乃致天時之順序也願望杏瞻蒲農功畢舉取材落實田事方闌地之高下寒燠迴殊則人之耕耘後先互異官斯土者將因時與地以布課農之政焉志氣候

思南府續志

卷之一 氣候

五

舊志思南僻在西南陽氣候差正寒燠不爽雨暘以時水經注牂柯夜郎之間山居平和而無瘴毒

正月立春日宜晴晴則農事易舉雨水前膏桐實椽實漆芽均可種植桃李花木扦插咸宜

二月驚蟄雷鳴主除疫氣春分前後耘二麥犁水田是月也齊菜登於繩蠶上箔

三月清明節前後浸稻種布種於田三日後放水曬以日俾

乘暖氣上苗乃復灌之穀雨前後山間梯田趁雨翻犁取淤泥培田塍俾水不洩種玉蜀黍居人謂薯蕷於土以取芽

豌豆登盤蠶豆出

四月立夏宜雨田饒瘠者藉雨以治拔稻秧成束分行插之二麥登小滿前後插秧畢山間種各種豆粟高粱蠶晚蜀黍是月也蠶豆豌豆熟

五月芒種有芒之物至此均宜播種遲則失時剪著蕷芽插山間陂陀等地至秋末根際成實粟粟味甘山農資以代穀夏至後土潤溽暑辨稻

六月小暑大暑最宜雨稻田無泉灌溉者視此月雨之多寡以為豐歉山間石載土之地所種包穀高粱諸豆粟尤資雨以實故雨不厭多是月也低地摘早包穀

七月立秋後稻乃登處暑種蕎麥誘有之處暑點蕎白露看苗

思南府續志

卷之一 氣候

六

八月白露後暑氣潛退御衿衣早晚頗涼秋分後刈諸豆

九月寒露衣乃裝綿粟之晚者至此均可刈霜降後掘薯蕷穴土以藏入春不敗種麥及豌豆蠶豆是月也雨多零淞霜欲降夜則甚寒

十月立冬小雪農工畢婦女紡木綿織以為衣亦售而取息以助家用高地包穀收

十一月大雪冬至祁寒屆節山民墻戶煨楮以禦寒三白見宜麥冰著草木成凌

十二月小寒大寒可御裘鄉民重綿自衛

按寒暑之氣南北迥殊思南地居楚蜀歲隆寒甚暑不過數日四時舉視雨暘為寒暑其大較也然一郡之地高山平原氣候各異山則寒多於燥原則燥多於寒故其播種收成前後每差半月黔固稱天漏然其地磽薄梯山為田既乏水泉則必資雨以為灌蔭故五六月等月雨不厭多此固蒼蒼大生之德所以滋百穀而活羣黎也夫國以民為本民以食為天惟恃百穀告成上裕

天儲下甦民命撫斯土者將與民同憂樂則課農其首事焉氣候之宜不可畧也若日出日入則有時憲可稽惟民間占候實有其不爽者如東撐日西撐雨春寒雨夏寒晴之類田夫

思南府續志

卷之一

氣候

七

所述語不勝書前志列占候而旁撫磨刀洗街諸諺抑未矣

思南府續志卷之一

天文門

祥異

班固漢書立五行志史家因之人事作於下天象應於上理固然也思南自明初兩宣慰構兵後終明之世烽火無警遠我

朝吳逆盪平閩澤旁數休徵不應稱樂土焉然自劉志紀載後時歷百五十年地濶五百餘里天時不無歉歲物性或反常經父老傳聞亦不可沒也志祥異

舊志

思南府續志

卷之一

祥異

八

明

聖廟銀杏二株宣慰所植正統辛酉申祐周慶同舉申登進士第至正德庚午田秋吳夢暘同舉田亦登第杏樹結實如其數嘉靖甲午田時中李渭田時雍教宗慶同舉結實如之嘉靖三年水德司江浙石方廣丈餘卧置平地一夕忽轉下為上

嘉靖四年有虎至郡治嘯而出又一日三虎渡河止通濟橋下眾斃之

嘉靖八年村有枯池出火光上射凡十餘日經雨乃滅

嘉靖十四年九門灘何家園枯杉復生

嘉靖十五年春二月地震七月後震去城三百里曰廟頭有鐘自思州飛來內鐵外銅口上如齒擊之其聲各別酉陽司遣人盜之移五里暫歇鐘遂生於石迄不動後仍移還故處

萬曆二年火焚民居二百餘戶

萬曆七年婺川大水
萬曆十五年夏六月朔三日大水入南門漂民舍甚眾十六年水亦如之

萬曆三十四年沿河司考一莖兩穗

崇禎三年火焚郡城民居三百餘

崇禎十三年地震戊子賊張先壁屠印江城先壁本明總兵

思南府續志

卷之一

祥異

九

降於偽平東孫可望者歲大饑人相食次年如之斗米三兩

國朝

順治四年秋七月梅盛開成實

順治五年大饑食木葉草根盡斗米三兩

順治十八年雨雹

康熙二年河東萬勝山麓李同野先生墓內納楚州耿定力

墓誌七月十三夜忽破土而出飛至郡祠祠祀生晨見之聞

於知府葉蕃司李常時泰縣令雷起龍隨詣墓環視墓封如

故四川李調元採入稗史

康熙六年秋七月白氣自東北飛墮聲如雷

康熙十九年正月十六日辰時晝晦夜大雨水黑色是歲吳逆平

康熙二十九年婺川縣九條溪陸地產蓮如筐色甚麗逾兩日又移生木杪三日後失所在

康熙三十五年大水入南門

康熙五十六年安化縣火

雍正元年大有年

雍正五年夏五月大水

雍正七年大有年

乾隆三十三年二月初三日晝晦

思南府續志

卷之一

祥異

十

乾隆三十四年四月初三日地震

乾隆四十三年旱萬聖山麓龍洞水竭

乾隆五十一年六月初一日大水至南門外變奏司署大門

乾隆五十九年有狂道士以午時星斗現半夜日頭紅等語

呼於市邑候羅裕遠杖而逐之

乾隆六十年元旦日有食之是月銅仁苗變思城戒嚴秋運

糧濟師

嘉慶二年大饑正月興義苗變調思南營兵從征米價昂市

斗一兩四錢

嘉慶四年銅屬石岷苗變思城戒嚴

嘉慶十三年印江水聞於

朝賜額

嘉慶十六年七月彗星見西方逾月乃滅

嘉慶二十四年七月二十五日地震

道光二年大有年

道光五年大有年七月彗星見西方

道光十年五月十一日大水至南門外蠻彝司署大門

道光十一年五月十七日大水深沒城外民舍數百戶

道光十七年大有年

按堯水湯旱

思南府續志

卷之一

祥異

土

盛世不免荒政十有二載在周禮賢有司能擘畫而拯救之使居民安集轉異為祥斯足尚焉若夫木石禽獸間反常經苟無與於國計民生無事做齊諧而塵簡牘矣

思南府續志卷之一

地理門

輿圖

志有圖所以畫郊圻分界址俾廣袤輪廓瞭如也思南南縮北贏東西各二百里西稍零且有隔越外府而其地仍屬之府者以四正為圖泥於方則犬牙交錯之區無別也以八到為圖泥於圓則短長岐出之形莫辨也蓋地之狹者廣者斷者續者旁互者銳出者亦因其境以圖之可耳自西逸北與西陽界其銳出者也自西逸南與龍泉接其旁互者也東則越松桃而東安化有四十八溪南則鞞石阡而上府屬有大

思南府續志

卷之一

輿圖

十二

地方路瀨狹者廣者斷者續者不可不詳其腹裏之地有為外府廳所轄者均圖以別之焉我

國家昇平日久民生浩穰十倍曩時向日菁嵐蔽虧荆莽茂鬱垂今百餘年來斧以斯之鋤以闢之胥樹藝焉問岡巒聳確有不毛土乎無有也問溪澗阻深有不易地乎無有也及是時生齒愈滋地力且盡披圖者撫疏瘠而思補救有目擊而心動者矣若夫三台列障九杆名關梵淨耑萃以南撐德江蜿蜒而東赴山水靈秀鍾於一隅圖而出之類智者所設施也又思城地勢文武署均向東圖之繪即據署以定方隅蓋面東背西右南左北仍做舊志云志輿圖